

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. Novine Federacije BiH“, broj: 12/03), u postupku imenovanja na pozicije u organima tijela u kojima Općina Banovići ima pravni interes odnosno zakonito pravo imenovanja, Općinski Načelnik Općine Banovići kao odgovorni javni službenik objavljuje p o n o v n i

**JAVNI OGLAS
ZA IZBOR I IMENOVANJE NA POZICIJE PREDsjedNIKA I ČLANOVA
UPRAVNIH ODBORA JAVNIH USTANOVA ČIJI JE OSNIVAČ OPĆINA
BANOVIĆI**

**I – UPRAVNI ODBOR JAVNE USTANOVE „JAVNA BIBLIOTEKA“
BANOVIĆI**

- Članovi iz reda osnivača 2
- Član iz reda stručnih radnika ustanove 1

II – UPRAVNI ODBOR JAVNE USTANOVE „DJEČIJE OBDANIŠTE“ BANOVIĆI

- Članovi iz reda osnivača 2
- Član iz reda stručnih radnika ustanove 1

**III – UPRAVNI ODBOR JAVNE USTANOVE „SPORTSKO-KULTURNI CENTAR“
BANOVIĆI**

- Članovi iz reda osnivača 2
- Član iz reda stručnih radnika ustanove 1

A/ Prava i obaveze Upravnog odbora

- Upravni odbor upravlja javnom ustanovom, donosi opća akta ustanove, imenuje i razrješava direktora, utvrđuje planove razvoja i rada ustanove, utvrđuje godišnji program rada, donosi finansijski plan i usvaja godišnji obračun, odlučuje o svim pitanjima obavljanja djelatnosti radi kojih je ustanova, ako Zakonom nije određeno da o određenim pitanjima odlučuje drugi organ, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenim aktima Ustanove, odgovara osnivaču za rezultate rada ustanove, podnosi osnivaču najmanje jedan godišnje izvještaj o poslovanju ustanove i vrši i druge poslove u skladu sa Zakonom, Statutom i drugim aktima ustanove.

B/ Mandat i naknada za rad

Predsjednik i članovi Upravnog odbora imenuju se na period od 4 (četiri) godine uz mogućnost ponovnog imenovanja u skladu sa Zakonom.

Imenovane osobe imaju pravo na naknadu u skladu sa Zakonom i uslovima utvrđenim općim aktima ustanova i ista će se isplaćivati iz sredstava ustanove.

C/ Opći uslovi za imenovanje

Svi kandidati za pozicije u regularnom organu koji je predmet ovog javnog oglasa moraju ispunjavati slijedeće opće uslove:

- da su državljani BiH,
- da su stariji od 18 godina,
- da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjenje pozicije,
- da se na njih ne odnosi član IX. 1 ustava Bosne i Hercegovine (da nisu pod optužnicom međunarodnog suda za ratne zločine u bivšoj Jugoslaviji),
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Sl. Novine Federacije BiH“, broj: 12/03),
- da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti u Federaciji BiH („Sl. Novine F BiH“, broj: 70/08),
- da nemaju privatni finansijski interes u instituciji u koju se kandiduju,
- da nisu lica kojim je pravosnažnom presudom suda zabranjeno obavljanje aktivnosti u nadležnosti institucije u koju se kandiduju,

D/ Posebni uslovi za imenovanje upravnog odbora

- Za imenovanje predsjednika i člana upravnog odbora iz reda osnivača javne ustanove kandidat treba imati VII, VI ili IV stepen stručne spreme društvenog ili tehničkog smjera i radno iskustvo od najmanje 1. (jedne) godine,

- Za imenovanje člana upravnog odbora iz reda stručnih radnika ustanove (uposlenika) kandidati trebaju imati VII, VI ili IV stepen stručne spreme i radno iskustvo od najmanje 1. (jedne) godine.

E/ Pored posebnih uslova, za upravni odbor javne ustanove kandidati treba da:

- uživaju ugled u lokalnoj zajednici,
- posjeduju odgovarajuće stručno znanje iz oblasti za koju se kandiduju,
- nisu članovi više od jednog upravnog ili nadzornog odbora,
- posjeduju sposobnost nepristrasnog donošenja odluka,
- posjeduju komunikacijske i organizatorske sposobnosti,

F/ Potrebni dokumenti

Uz prijavu na javni oglas kandidati su dužni priložiti:

- kraću biografiju, adresu i kontakt telefon,
- uvjerenje o državljanstvu, ne starije od 6 mjeseci ili ovjerenu kopiju CIPS-ove lične karte
- uvjerenje o navođenju krivičnog postupka od nadležnog kantonalnog suda (ne starije od 3 mjeseca),
- ovjerenu kopiju diplome,
- uvjerenje o radnom iskustvu,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa ili ovjerenu Izjavu o navedenom,
- ovjerenu Izjavu kojom dokazuje da ispunjavaju ostale opće uslove.

Podnosioci prijava s kojima se ne stupi u kontakt u roku od 8 (osam) dana od dana isteka roka za podnošenje prijava neće se uzeti u razmatranje u daljem procesu imenovanja.

Svi kandidati koji budu stavljeni na listu bit će pozvani na intervju. Prilikom pozivanja kandidata na intervju svaki kandidat koji je ušao u uži izbor dobit će obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Prije intervjua komisija može tražiti podatke od neposrednih ranijih rukovodilaca preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme.

Nakon intervjua Komisija za izbor će predložiti rang listu sa najboljim kandidatima i dostaviti odgovornom javnom službeniku općine Banovići na daljnje razmatranje i konačno imenovanje.

Konačna imenovanja će se objaviti u „Službenim novinama Federacije BiH“.

Bilo koji kandidat ili član javnosti može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, Vladinim i drugim imenovanjima u FBiH, a kopija se dostavlja Ombudsmenu za ljudska prava u FBiH.

Prigovor na konačna imenovanja se podnosi odgovornom javnom službeniku općine Banovići koji vrši konačno imenovanje.

Javni oglas ostaje otvoren 14 dana od dana objavljivanja u „Službenim novinama Federacije BiH“, dnevnom listu „Tuzlanski list“, službenoj web stranici Općine Banovići (www.opcina-banovici.com.ba) i oglasnoj ploči Općine Banovići

Rok za podnošenje prijava računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima dostaviti lično ili preporučeno poštom na adresu: Općina Banovići, ulica Alije Dostovića br. 1, 75290 Banovići, sa naznakom „Prijava na oglas za izbor i imenovanje članova Upravnih odbora javnih ustanova čiji je osnivač općina Banovići“- NE OTVARAJ.

Kandidati su dužni u prijavi naznačiti za koju se ustanovu kandidiraju. Prijava se može podnijeti samo za poziciju u upravnom odboru jedne ustanove.

Neblagovremene i nepotpune prijave neće se uzeti u razmatranje.

OPĆINSKI NAČELNIK

Birparić Bego